

INSCRIPTION DE LA STÈLE DE OU JONG.

執金吾丞武榮碑

君諱榮字含和治魯詩經韋君章句闕憤傳講孝經論語漢
 書史記左氏國語廣學甄微靡不貫綜久游大學貌然高厲
 鯁於雙匹學優則仕為州書佐郡曹史主簿督郵五官掾功
 曹守從事年三十六汝南蔡府君察舉孝廉 郎中遷執
 金吾丞遭孝桓大憂屯守玄武戚哀悲慟如遇害氣遭疾隕
 靈 君郎吳郡府卿之中子敦煌長史之次弟也廉
 孝相丞亦世載德不忝 命 不竟台衡蓋觀德於
 始述行於終於是刊石勒銘垂示無窮其辭曰
 天降雄彥資才卓茂仰高鑣堅允文允武內幹三署外 師
 旅 勒出守舊威 武旌旗絳天雷震電舉敷耀赫然陵惟
 哮虎當遂股肱 之元輔天何不弔降此 咎痛乎我君仁
 如不壽爵不副德位不稱功咸懷傷愴遠近哀同身沒
 萬世諷誦